



زغرنج نوازك

”شكوه ايجايه“

مططفى اكرم

بقلم

## إهداء

"إلى من علمتني الفرحه و الضحكه ...  
إلى من كنت انتظرها طوال سنيني ...  
إلى شريكه نجاحي "

## إهداء :

إلى كل من شجعني على الكتابه و نصحتني و ووجهني .. إلى كل من  
أقنعني بموهبتي .. شكراً

## المقدمه ...

عزيزى القارئ .. إن كنت من النوع (( النكدى )) المحب للعزله و  
النكد و تريد الخروج من هذه الحاله .. فهذا الكتاب لك مرحباً بك  
بين صفحاته ..

أما إذا كنت من النوع (( النكدى جداً )) اللى  
((عجباة حالته كدا )) فأنصحك أن لا تكمل فى قراءه هذا الكتاب و  
لا تفكر تكملته أبداً (( إطلع برا بيتى )) ..

أما إذا كنت من النوع المتفائل الفرحان .. فهذا الكتاب ستعتبره  
صديقك الصدوق ..

أما إذا كنت من النوع (( اللى بيقرأ أى حاجه )) فياريت تقولى رأيك  
فى الكتاب (( وحياه ابوك )) ☺ ☺

مُصطفى أكرم



بكلمه حلوه طالعه من القلب ..  
بدعوه حلوه مش من حد متعرفوش و انت ماشى فى حالك ..

بس موضوع الزغزغه دا تطور حبتين لما عمنا ((جراهام بل)) \*  
اخترع التليفون .. مكالمات بقى و الناس بقت تظمن على بعض ..  
وكل يوم لازم الناس تكلم بعض و تسأل على بعض .. و كان أول ما  
التليفون يرن كان البيت كله يجرى عشان يلحق يرد الأول .. و  
الزغزغه بقت ف التليفون .. و الناس بقت تضحك و تفرح لما حد  
يتصل بيها ..

و اسمتر التطور الطبيعى للزغزغه مع اختراع الموبايل .. الناس  
بقت عندها وقت مخصوص للزغزغه كل يوم ..  
بالرنات ..

ايام مكانت دقيقه الموبايل ب ١٧٥ قرش .. هو صحيح كان ممكن  
تتقلب نكد لو حد فتح عليك ..  
بس كانت كميه الرنات اللى بتجيك بعد كدا بتنسيك .. و انت شايف  
نغمه موبايلك ال (( ٣٣١٠ )) بتزغرط فى الشقه كدا ..

وتطور موضوع الزغزغه لما الناس كلها بقت على ال ((  
فيسبوك)) .. باللايكات و الكومنتات و الناس مبقتش تنسى عيد  
ميلادك و كدا ..

بس مع كل تطور الزغزغه بتقل .. و قيمتها بتروح .. مبقاش فى حد  
بيرن على حد دلوقتى .. و لا بقى يظمنو على بعض بالتليفون ..  
حتى السلامو عليك بقت قليله اوى فى السوق ..

---

\*جراهام بل : مخترع التليفون (الله يعمر بيته) ..

الواحد مبقاش لاقى حد يزغزغه خلاص .. فلازم الواحد يزغزغ  
نفسه بقى مبدھاش ..

فأنا قررت بقى انى ازغزغ نفسى ..

واضحك كمان .. زى متقول كدا بقیت حاسس ان الدنيا مفيھاش  
امان يا بشمھندز ..

مش لاقى حد يزغزغى .. يفرحنى .. يضحكنة من قلبى و هو مش  
عايز منى حاجه ..

فھز غزغنى



و هانصحك انك انت كمان تزغزغك ..

ينكن لما كل واحد يزغزغ نفسه و يضحك نرجع تانى نزغزغ  
بعض ..

تصدق ينكن ..

آه والله ...



## "السعادة من وجهة نظري"

عندما ابحت عن معنى للسعادة .. أجد في أشياء بسيطة تحدث يوميا لكل منا .. و تترك في نفوسنا أثرا طيبا ممزوجا بالسعادة ..حتى و ان كانت سعادته نسبيه أو سعادته بسيطه .. أو حتى سعادته أكبر تأثيرها إبتسامه ضئيله على الفم ... و لكن في النهايه تسمى سعادته .. إذا نظرنا لها و تأملناها سنجد انها إشارات من الله لتقول لك (( لسه الدنيا بخير و لسه الفرحة موجوده )) ..  
هذه المواقف ليس لها  
نهايه ولا عدد و تختلف بين الاشخاص .. و الشئ المشترك انها  
تسعدك ..

لما تبقى في المترو و الدنيا حر و قاعد جنب الشباك و المترو التانى  
يعدى من جنبك يدك شويه هوا و يا سلام لو ساقعين شويه ..

لما تعدى جنب واحد بيبيع مناديل و تشتري منه منديل عشان انت  
محتاجه و تلاقيه بيدعيلك دعوه انت كنت مستنيها ..

لما تكون مضايقو هموم الدنيا فوق كتافك و قاعد في المترو و تلاقى  
اللى قدامك فى المواصلات بيقولك بدون اى مقدمات يقولك قول  
الحمد لله و ربنا هيعدلها و لا تعرفه و لا يعرفك ..

لما تكون نفسك تدعى و تشتكى لربنا و تلاقى الدنيا مطرت تحس ان  
ربنا بيقولك ادعى و فضفض تقوم من فرحتك تعيط و متدعيش ..

لما تلمس صواب طفل صغير لسه مولود و تبوس راسه و تدعيله  
من قلبك انه يخليه لاهله ..

لما تسمع ام كلثوم الساعه ٣ الفجر و هى بتغنى (( عودت عيني ))

و تدندن معاه و انت بتشرب القهوه فى ليله برد ..

لما تتفرج على فيلم لاسماعيل ياسين و بعديه تشوف لبلب و عنتر ..

لما تفتح عينك على صوت بنتك و هيا بتقولك هنتأخر على المدرسه  
فى  
اول يوم ليها ..

لما تاكل اول اكله من ايد مراتك حتى لو مبتعرفش تطبخ ..

لما تخرج اول مره مع خطبتك ..

لما تنقى دبلتك ..

لما تبص عليها و تلاقىها بصالك ..

لما تصلى و تدعى ربنا و تحس ان ربنا استجاب لدعوتك ..

لما تعيط عشان عايز تتوب من حاجه عملتها و تحس ان ربنا قبل  
توبتك ..

لما تمشى فى طريق اول مره تمشى فيه و تلاقى الف من يدلك على  
العنوان من غير ميتوهك ..

لما تركب مع سواق تاكسى و يرغى معاك و يضحكك على الدنيا ..

لما تركب المترو و تلاقى مكان فاضى تقعد فيه ..

لما تبص من الشباك و تيجى نسمة هوا ساقعه تمشى على خدك ..



لما تسمع اغنيه لأول مره و تعجبك و تسمعها ٣٠ مره و متشبعش  
منها ..

لما تسمع قصيده للابنودي تخليك تعيط على حالك ..

لما تحلم بحلم مستحيل و يجيلكت طموح انك هتحققه ..  
و تلاقى ناس بتشجعك انك تحققة ..

لما تشوف حد حاله اسوء من حالك و مبسوط فتقول الحمد لله ...

احساسك لما تصحى من النوم على رساله على موبايلك حد بيقولك  
فيها صباح الخير ..

او احساسك لما تلاقى طفل صغير بيجرى عليك و ينط فى حضنك  
و هو عارف انك هتمسكه ..

احساسك ان فى عين بصالك و متبعاك و ماشيه معاك ..

احساسك لما تلبس تيشيرت جديده و تحس ان شكلك فيها تحفه ..

احساس او محاضره فى الجامعه ..

و اخر امتحان فيها ..

احساسك لما تجيب جون حلوه و انت بتلعب فى الشارع ..

احساسك لما تضحكى مع صحابك عشان صحابتكو اللى بتضحك  
معاكو وقعت ..

إحساسك لما تحب من غير متعرف ليه ..

و مبتقاش عايز تعرف ..

إحساسك لما تقف فى البلكونه فى عز البرد عشان تشوف السما  
بليل ،،

إحساسك لما تقلق كل يوم عشان تصلى الفجر ...

إحساسك فى اول مره تقول بحبك .. و اول مره تسمعها ...

إحساسك لما تتغطى فى ليله برد اوى ..

إحساسك لما حد تشوف فى عيون شريك حياتك ولادك ..

و لما تتمنى يطلعو شبهه اكر منك ..

إحساسك انك مختلف غير كل الناس ..

إحساسك لما تشوف اتنين بيحبو بعض و تدعيلهم ..

إحساسك لما تلاقى طفل بيعيط و انت تضحكو ..

إحساسك لما تفرح عشان بس وحشتك الضحكه .. و تعيط عشان  
نفسك تغسل عينك ..

إحساسك ان كل اللى جاى جميل بكل مصايبه ..

إحساس ان فى ناس بتشجعك و بتقويك ..

إحساسك انك لسه عايش ..

لسه موجود ...

هذا هو معنى السعاده من وجهه نظرى .. مواقف تحدث يوميا و  
لكننا لا نراها بالشكل المطلوب ...

فيا من تبحث عن السعاده هى امامك ..

## " اوعى تنسى "

كلنا و لينا ماضى ..  
 دى الحقيقه ...  
 بس فيه اللى سابه راضى ..  
 و فيه اللى ندمان ع الدقيقه ..  
 احتمال نكون نسينا و اتسينا ..  
 بس فيه جواك مكان للى جاى ..  
 و دى الحقيقه ..  
 الحقيقه ان لو مكنش ليك اى ماضى ..  
 و انك انت عشت طول حياتك يوم نايم و يوم فاضى ..  
 و احتمال وجود لذكرياتك صفر مكتوب قصادى ..  
 بس عادى ..  
 الاكيد ان ليك نصيب فى اللى جاى ..  
 و ان عمرك منتهاش مدام لسه حى ..  
 و ان قلبك لسه بيدخله دم ..  
 و اللى خارج منه حب و لسه حى ..  
 و ان عقلك متربطش فى الكراسى ..  
 لسه قادر يحلم لسه بيفكر و راسى ..  
 و ان كل من على الارض عارف ان دورك جى جى ..  
 اوعى تنسى انك انت الوحيد من نوع سيادتك ..  
 و ان فى الدنيا مفيش حد فى ذكاوتك ..  
 و ان قلبك الضعيف مصيره يقوى لو بس حب ..  
 لو مفيش طريق يساعى حلمك ..  
 ارسمه بعقلك و قلمك ..  
 اوجده لو حتى عاندك ..  
 اكتب التاريخ بهمسك ..  
 لجل لما تموت و يدفنوك ..

يعرفو ان ملكش زى ..

"واك كلفريته"

حتى الضحكه عرف يملكها ..  
 اما دا واد عفريت بصحيح ..  
 مسك الوردہ و قطع شوکها ..  
 طلع للفرحه تصریح ..  
 نفض همه ..  
 سرح شعره ..  
 طلع حلمه من البلاکار ..  
 غير كل ملامح وشه ..  
 و رمى احزانه جوا النار ..  
 حس بكل معانى الفرحة ..  
 لملم كل همومه و شاطها ..  
 خرج راسه من الشباک ..  
 و قال انا حى ..  
 فرحة قلبى مالهاش زى ..

هانسی الماضی و اعیش الجی ..

شمس و ارض و نسمه شقیه ..

حبه مایه و لقمه هنیه ..

مین غنی زیی مین قال جی ..؟؟

دور جوا جیوب محفظه ..

عن اوراق ملیکه قلبه ..

علشان عایز یعرف سعره ..

علشان نفسه بجد یحب ..

غیر کل ملامح وشه ..

رسم الضحکه علی حیطان عشه ..

قام و اتعشا ..

و نام مبسوط ..

"فرحان"

لو انت ماشى بتضحك و كل اللى حواليك مكشرين ،،

متستغربش و اعرف انك مميز و انك مش زيهم ..

و انك وصلت لحاجه هما لسه موصلوش ليها ..

سابقهم يعنى ..

العيب كوره ف الشارع ف عز المطره ..

و اتزحلق و اتعور و بهدل نفسك ..

اطلع البلكونه و غنى بعلو صوتك بليل ..

طلع الطاقه اللى جواك ..

ارسم وش بيضحك على حيطان بيتكو ..

حتى لو معلوماتك عن الرسم نفس معلوماتى عن اليابانى ..

اعمل كل حاجه ممكن تفرحك ..

و اعرف انك دايمًا سابق ..

و دايمًا شايف حاجه هما مش شايفنها ..

مش معنى انهم ماشيين عكس اتجاهك ان انت ماشى غلط ..

او هما ماشيين غلط ..



كل واحد ماشى ف الاتجاه اللى يريحه ..

اكيد هتلاقى ناس ماشيه معاك ..

و ناس ابتسامتها بتندهلك ..

و لو حد جيه و قالك ابتسامتك مستفزه ..

اضحك و قوله عادى عاجبانى ..

هتلاقى ناس كتير هتحاول تنكد عليك و تزعلك ..

بين نغزاتك و قلهم من كل قلبك " مش هتقدرو "

و لو حد قالك مبسوط ليه ؟؟

قوله انا فرحنان و مش هاكون غير فرحنان مهما حصل ..

مش لازم يكون فيه حاجه تفرحنى عشان اضحك ..

مش لازم يكون فيه حاجه عشان اضحك ..

انا بفرح عشانى و بضحك عشانى ..

انا لازم اكون فرحنان ..

عشان انا فرحنان ..

**"تعريف الضحك"**

الضحكه مش مجرد شد فى عضلات وش سعادتك عشان متكسفش  
الى قدامك لما يقول نكته بايخه بالنسبه ليك ..

الضحكه مش مجرد وش بلاستيك بتلبسه عشان محدش يقولاك مالك  
مضايق ليه ..!!؟؟!

الضحكه لو مش من قلبك متضحكش ..بناقص ضحكت حضرتك يا  
فندم ..

مش ضحكتك اللي هتزدنا و لا اللي هتخلينا نفرح ..

ولا هيفرق معانا ..

اياك تكون فاكر انك لو مضحكش الدنيا هتضلم علينا و الشمس مش  
هتطلع ..

و القمر هياخد اجازه هو و النجوم و يسيبولنا الدنيا ضلمه ..

و لا مثلا مثلا يعنى مش هنعرف ناكل و نفضل جعانيين لحد  
محضرتك متتكرم علينا و تضحك ..

و لا مثلا الحرب العالميه الثالثه هتقوم عشان ضحكتك ..

و لا تكونشى فاكر ان الارض هتقف عن الدوران حولين الشمس  
عشان سيادتك مضحكش ..

و لا مثلا هتفتح الشباك تلاقى فرقه بلياتشو من الالسريك تحت بيتك  
بيعملو عرض عشان يضحكوك ..



الواحد بتحصله مصيبه بيحس ان الدنيا كلها وقفت ..

بيحس انه جاله شلل و مش عارف يفكر و لا يتحرك ..

و بيفضل قاعد يفكر فى اللى جاى و نتايح المصيبه ..

و هيحصلى و هيجرالى ..

عامل زى الولد اللى نسي كشكول الواجب بتاع العربى ..

و الابله بتاعت العربى قالت اللى مش هييجيب الكشكول هينضرب  
١٠ عصيان على ايده ..

و حصه العربى كانت الحصه الاخيريه و هو افكر الكشكول فى  
الحصه الاولى .

و فضل يعيط و خايف و مضايق طول اليوم عشان الابله هتضربه

..

و الابله جت فى الحصه الاخيريه و مسألتهش على الكشكول و لا  
جابت سيرته ..

فضل قاعد ٩ حصص متكرر و مخنوق عشان فكر فى البلا قبل  
وقوعه زى مبيقولو ..

و فى الاخر البلا موقعش و ربنا سترها عليه و الدنيا مشيت ..

الدنيا مش هتقف و لا هترجع لورا عشان واحد حصلتله حاجه ...

بس ممكن اللى نقدره دا ميحصلش ..

بيقى ليه تضايق نفسك و انتت عارف ان ربنا هيحلها ..

ليه ها؟؟

"تعريفه العربيه"

عارف ~

أوقات كثير بتحس إنك مش قادر تكمل ..  
 بيبقى نفسك يكون فيه زرار تدوس عليه تخفى كل اللي حواليك ..  
 و تعيش لوحدك ..  
 ساعات بيكون نفسك تتحرر من قيود الاسره و الدراسه و الشغل ..  
 ساعات بيكون نفسك تبقى حر ..  
 احب اقولك انت فاهم الحريه غلط ..  
 الحريه لازم تكون فى حدود القيود اللي انت موجود فيها ..  
 لازم تكون حريه مشروطه بالتزامات الاسره و الشغل و الدراسه ..  
 الحريه زى الجاكت مينفعش يكون واسع (( مبهوق )) او ضيق ..  
 حريتك غير حريتى ..  
 و مينفعش حريتك تليق عليا ..  
 و لو حريتى عاجباك دا مش معناه انها مظبوطه عليك و تنفك ..  
 الحريه ليها تضحيات كثيره اوى انا ممكن اقبل انى اضحى بحاجه  
 كبيره اوى انت متقدرش تضحى بيها ..  
 اختلاف الحريات من اختلاف العقول ..

انت متقدرش تحاسبني على تفكيرى و بالتالى متقدرش تحاسبني  
على حرىتى ..

عيش حرىتك المشروطه بقىودك ..

فلا توجد حرىه متحرره من القىود

"أنتك مهميز"

عمرک اتاکدت انک هتصحی بکره فرحان ..

و انک لما هتنام هتحم بحلم یفرحک ..

؟؟D عمرک حلمت ۳

فکرت بالالوان ...

مشیت و انت حاسس ان فوق راسک علامه ..

سهم مشاور علیک ، علامه استفهام .. قلب احمر ..

عمرک شفت حد حسیت ان قلبک هیعمل زی توم لما بیشوف لقطه  
البيضة الموزة دی اللى بتنسیه جیری و تخلیه جیری ورها هیا ..

او مثلا عنتینک بقو علی شکل قلبین ..

عمرک فکرت تکتب مذکرتک من کتر مهیا جمیله ..

عمرک کلمت حد بعنیک و لقیته رد علیک بعنیه برضه ..

عمرک ...؟؟؟

"عمرک"



عمرک کنت مضایق اوی و مخنوق .. و قمت اتوضیت حسیت انک  
مرتاح اوی ..؟؟

عمرک نمت و انت دموک علی خدک و بتقول یا رب .. و شفت  
حلم فرحک و خلاک تقوم مبسوط ..؟؟

عمرک کنت شایف الدنیا مقله بضبه و مفتاح .. دعیت من کل قلبک  
ف وسط الصلاه ..

و اول مخلصت صلاه حسیت ان فيه حاجه نزلت علی قلبک من کتر  
حلاوتها عیبت و لسانک مبقاش ینطق غیر الحمد لله ...

و دموک مش قادره تقف و حاسس انک مرتاح اوی ..

عمرک و النور قاطع جبت المصحف و فتحت صورہ النور و قریت

{اللَّهُ نُورُ السَّمَاوَاتِ وَالْأَرْضِ مِثْلُ نُورِهِ كَمِشْكَاةٍ فِيهَا مِصْبَاحٌ  
الْمِصْبَاحُ فِي

زُجَاجَةٍ الزُّجَاجَةُ كَأَنَّهَا كَوْكَبٌ دُرِّيٌّ يُوقَدُ مِنْ شَجَرَةٍ مُّبَارَكَةٍ زَيْتُونَةٍ  
لَا شَرْقِيَّةٍ

وَأَلَا غَرْبِيَّةٍ يَكَادُ زَيْتُهَا يُضِيءُ وَلَوْ لَمْ تَمْسَسْهُ نَارٌ نُورٌ عَلَى نُورٍ يَهْدِي  
اللَّهُ

لِنُورِهِ مَنْ يَشَاءُ وَيَضْرِبُ اللَّهُ الْأَمْثَالَ لِلنَّاسِ وَاللَّهُ بِكُلِّ شَيْءٍ عَلِيمٌ  
{النور ٣٥}

و لما جيت عند كلمه (( نُورٌ عَلَى نُورٍ )) النور جيه ..؟؟

ساعتها قلبك وجعك من الفرحه و حسيت انك مرتاح اوى و انك  
مش لوحدك ..

عمرک حسيت ان فيه حد مهتم بيك و بيراعيك و بيفرحك و بيشيل  
عنك الهموم ..

و يبعد عنك المصاييب .. و يفك كربك .. و يفرجها عليك .. و  
ينور لك طريقك ..

و يكتباك الخير ..

عمرک حسيت بكلمه يارب ...؟؟!!

عمرک حسيت انه بيحبك..؟؟؟

عمرک حسيت انه معاك ..؟؟

عمرک ..؟؟

" تعبتيه "

فى يوم من الايام ...

تعبت ..

كنت لوحدي .. محدش جنبى ..

الدنيا تعبتنى ..

كنت شايف كل حاجه سودا ..

كل البيان اتقفلت ف وشى ..

كل الطرق اتقطعت ..

كرهت الحياه اووى .. اووى ..

غمضت عيني و قلت للحياه من كل قلبى :

"انا بحبك ..

و مسامحك على اى حاجه عملتها فيا ..

و مش هفتكرلك اى حاجه زعلتنى منك ف يوم من الايام ..

ومهما عملتى فيا بعد كدا برضه هسامحك ..

و هفضل احبك .."

فتحت عنيا و روحت قدام المرايا و بصيت ل نفسى و قلتلى :

"انا مسامحك ..

ای حاجه عملتها و ضایقتنی منك انا نسيتها و مش هفتکرها ...

ای حاجه کنت کارها فیک و معرفتش اغیرها هحاول فیها تانی لحد  
مغیرها ..

و لو معرفتش هتقبلها ..

او عدك انی هبتسم علی طول .. مهما حصل .. هبتسم ..

و مفیش حد او حاجه ف الدنيا ممکن تخلینی از عل او اکثر ..

الناس هتعرفنی من ابتسامتی ..

ولو الدنيا وحشه انا هخليها حلوه ..

و لو الحياه صعبه هفضل وراها لحد مخليها سهله ..

انا تمام و زی الفل و محدش يقدر یخلینی غیر کدا ..

انا مش مجنون ان بس مبسوط و هفضل مبسوط ..

هعیش مبسوط .. و هموت و انا مبسوط و بضحك

"ربك هيعدلها"

إزای بتزعل ...؟؟

ايه اللي ممكن يزعلك ..

واحد الشمس بتطلع كل يوم الصبح عشان تنورلو يومه ..

و القمر بيفضل سهران طول الليل جنبه يظمن عليه ..

و الارض شايله مهمال عليها و داس عليها ..

و السما بسحابها مغطيه عليه ..

عايز ايه تانى؟؟

حد يبقى معاه دا كله و يزعل عشان بنى آدم مش عارف عمله ايه؟

الكلون كله ملكك .. ف ايديك ..

الدنيا كلها بتحكك ..

مش معنى انك قابلت ناس مش ذوقك يبقى الناس كلها كدا ..

كل حاجه ممكن تتغير ...

اللى جاى ... و اللى فات .... و الناس اللى تعرفهم .. و الناس اللى

لسه هتعرفهم ...

إفرح .. و ربك هيعدلها .. (: (: (:

"النور مكانه في القلوب"

فعلا...دى حقيقه ..

اصلك لو من جواك منور كدا هتشوف الحاجه حلوه و جميله ..

تخيل انت معاك كاميرا ٥٠ ميغا بيكسل مثلا ..

و صورت مقلب زباله .. الصورة هتطلع وحشه...!!!؟؟

لأ طبعاً .. دى ممكن تاخذ جايزه كمان ف مهرجان "حلمبوحه  
الدولى"

بعيدا عن مقال الزباله و الكلام دا ..

انا قصدى اننا عشان ننصف اللى حوالينا لازم ننصف جوانا الاول

..

عشان يبقى لينا نفس ننصف حوالينا ..

تخيل معايا مثلا .. ان انت جواك مدينه صغيره كدا على قدك

شوارع و اراضى فاضيه و بيوت مبنيه و مكتوب عليها اسامى ناس  
و ناس

تانيه بانيلها مقابر رغم انهم لسه عايشين ف الدنيا ..

و قصر بحرس و كلاب و مكتوب عليه اسم حد كد عزيز على قلبك  
(ايموشن سوسه اوى انا) ..

خرابا مرمى فيها لحظات و ناس و مواقف مش عايز تفتكرها او  
تيجى ف بالك ..

تعالا بقى كدا معايا ..

نصف الخرابا دى و ارمى الحاجات دى برا منك خالص ..

بس بص عليها الاول و اتعلم منها و شوف لو محتاج حاجه منها ..

الاراضى الفاضيه دى ازرع فيها جناين و اشجار و نافوره كبيره  
كدا ف النص "النص دا اللى هوا فين والله معرف (:)"

ادهن البيوت اللى مبنيه و وضبها و خليه جميله كدا و اكتب عليها  
انت بانيتها ليه لاصحابها عشان دايم تفتكر ..

سيب القصر زى مهوا هو انت مظبطه لوحداك ^\_\*

اتفق من اوروبا ٢٠٠٠ تيجى كل اسبوع تنضفلك الشوارع اللى جوا  
منك دى ..

املاها انوار .. فوانيس على قناديل على لنض موفره (ايوا لنض) ..

خلي جواك دايم منور اوى .. نضيف اوى .. جميل جدا .. عشان  
تشوف الحياه زى اللى جواك ..

ابدأ بنفسك .. بدأ بمدينه جوا منك خليها المدينه الفاضله .. عشان  
تبقى مدينتك اللى انت عايش فيها بجد تبقى المدينه الفاضله ..

نور قلبك من جوا عشان تشوف الدنيا كويس ..

**"ورقه بيضه"**

عارف — ~~~

من حقك تحلم .. من حقك تكون مختلف .. من حقك تتمرد على  
كل اللي بيحصل ..

لكل حاجه و تقول " أنا هبدأ من الأول " .. Stop من حقك تعمل

و إخلق واقع جديد ليك .. Delete لو مش عاجبك الواقع .. إعملو

واقع لايق عليك .. لايق على حلمك ..

مفيش حاجه ماسكه عليك و حبساك جواها ..

مفيش حاجه مينفعش تتغير .. حتى إسمك و دينك ..

إنت حـــــــــــــــــر .. عقلك هو اللي بيمشيك ... مفيش قيود تقدر  
تمنعك انك تحقق أحلامك ..

متقولش دراستي و شهادتي .. متقولش المجتمع .. متقولش الظروف

..

إحنا اللي بنخلق الظروف ..

الذيـــــــــــــــــا كـــــــــــــــــلها ملكك .. و تحت أمرك ..

الوقت هو الشئ الوحيد اللي مش ملكك .. و اللي بيحاربك و يسابقك

..

و انت مستسلم للواقع اللي انت اتحطيت فيه .. مش اللي انت  
اخترته ..



كليتک الی مجموعک دبسک فیها .. شغاک الی شهادة الکلیه دی  
 هتسغاک فیہ .. حیاتک و تفکیرک .. مستواک الاجتماعی .. قتاک  
 لأفکارک ..

کل دا واقع مفروض علیک ..

إتمرد علی الواقع .. و حس بالحیاه ..

نجاحک و فشاک ف إیدک انت ..

مستقبلک لسه ورقه بیضه .. إرسما و متخلیش حد یرسمهولک ...

## "يستاهل الحمد" (:)

لو يتدور على حاجه تفرحك .. دور على حاجه تشكر عليها ربنا ..

ساعتها هتلاقى حاجه تفرحك ..

كل يوم بنقابل مليون نعمه من نعم ربنا المكررين .. و الالف النعم  
اللى بنحس بيها لأول مره ..

إحساسك انك مهم حتى لو بالنسبه لنفسك ..

انك و انت ماشى تلاقى زجل كبير ف السن و شعره ابيض و لما  
يشوفك يضحكك ..

انك تكون قاعد ف المترو و تلاقى اللى قدامك بيسبح ربنا ف تقوم  
تسبح انت كمان .. تحس ان ربنا خلاك تشوف الراجل دا عشان  
يفكرك بالتسبيح ..

انك تلاقى واحد يقولك انا بحبك ف الله .. و ميكونش بينك و بينه  
علاقه و لا كلام ..

انك تلاقى دعوه جتلك من غير متعمل حاجه تريح قلبك ..

انك تدعى ربنا يحبب فيك خلقه .. و تنزل الشارع تلاقى الناس  
بتبتسم ف وشك ..

انك تهزر مع صحابك و نقلبو الدنيا لعب و ضحك ..

انك تبوس راس مامتك و تقولهل ادعيلى .

انک تشوف حبیبتک فرحانه و مبسوطه ..

انک تشوف حد فرحان و مبسوط بسببک ..

انک تضحک طفل صغیر ف المترو و هو علی اید مامته ..

ان طفل صغیر یجری علیک و ینط ف حزنک ..

انک تلعب کوره لحد متتهد و عرقک یدخل جوا عینک بس تگون  
مبسوط ..

انک تحس انک مختلف و ان مفیش حد زیك و ان مستقبلک عمره  
مهیکون عادی ..

انک تتأخر نص دقیقه و تلاقی نفسک لو کنت نزلت بدری کان  
هیفوتک اجمل شیء حصلک ..

انک تقوم من نومک و انت بتضحک .. و اول متقوم تقول الحمد لله .

انک تبص من شباک العربیه و الهوا یخبط ف وشک و و متبقاش  
عارف تفتح عینک بس بتضحک ..

انک تضحک لمجرد انک فرحان ..

انک تگون سبب فرحه ناس حوالیک بیستتو یشوفوک عشان یضحکو  
..

انک تلاقی واحد کاتبک علی ال ((وول)) عندک ربنا یدیم علیک  
ابتسامتک .. بس کدا ..

انک لسه قادر تحلم .. انک لسه ماشی علی رچلک .. انک لسه هنا ..  
 النعم اللى ربنا بیدهلنا ملهاس عدد .. بس لازم عشان تشوفها تنضف  
 قلبک ..

لو محتاج تفرح تزقظ تحس انک مبسوط ..

حس بنعم ربنا علیک ..

هتعرف انک مش لوحدک .. مش مکروه ..

و الحزن ملوش مکان جواک ..

عارف تزعل امتی .. ؟؟

لما متلاقیش نعم ربنا حوالیک ..

و دا مستحیل ... (:)

## " الحمد لله ... "

قلها لما حاجه تفرحك اووى .. او تفرحك نص نص ،، او تفرحك  
على قدك حتى ..

قلها لما الدنيا تقفش عليك .. و النور يتقطع و متبقاش شايف .. و  
الناس كلها تسبيك ف وسط الضلمه و تجرى ...

قلها لما الناس تجرحك و تتعبك و تدوس عليك ....

قلها و انت بتجرى ورا الاتوبيس عشان تركبه ..

قلها لو بتشجع الاهلى .. و لو بتشجع الزمالك برضه عادى ..

قلها و انت مزنوق ف المترو ....

قلها و انت بتنام ف المحاضره و الدكتور شغال رعى ....

قلها لما تشوف حبيبتك و هى جايه فرحانه كدا ... و لو جايه متعصبه  
و هتنكد عليك ...

قلها لما حد يضحكك .. و لما حد يزعلك .. و لما حد يعيطك ..

قلها لما تحس انك تعبان اووى و نفسك تعيط ،،،

قلها و انت مرتاح اووى و نفسك تنتنط ..

قلها لما تقع و الناس تضحك عليك ..

قلها لما تقوم و تنفض هدومك ..

قلها قبل متنام .. و اول متقوم من النوم ...

قلها و انت راضى باللى حصل .. و باللى بيحصل .. و باللى  
هيحصل ...

الحمد لله ....

...

## "الرضا"

نفض همه ..  
 و قلبه الفضة ..  
 زغزغ حلمه ..  
 و قام اتوضا ..  
 صلى لربه ..  
 تاه ف السجده ...  
 تاب من ذنبه ..  
 و دمه ما قدى ..  
 كسر كل هموم الدنيا ..  
 جوا الدعوه ..  
 ريح قلبه ..  
 و قال راح ارضى ..  
 شكره و حمده ..

عدد نعمه ..

بص لخلقه ..

سبح اسمه ..

نور قلبه بذكر المولى ..

طلعت ضحكه كوكتيل مع دمعه ..

نام و اتغطى ..

و هو بيضحك ..



## "قصوه من غير وش"

دارى الضحكه الحلوه ف قلبه..

و قال معلىش ..

وشه مكشر ..

شرب القهوه من غير وش ..

قام و اتهدم ..

زرر كل زراير البدله ..

و شال النعش ..

قابل صاحبه سألہ بلهفه مين المیت ؟؟ ..

قال معرفش ..

امال ليه وشك متقدر ..

ليه بتكشر ..

قاله بغش ..

ظهرت ضحكه لنيمه ف عينه ..

فجأه اتغير شكل الوش ..

قاله الميت يبقى الماضى ..

بكل مافيه مليون او فاضى ..

شيلته و كفنته و مكانه جوا النعش ..

و من بكره راح تبقى الضحكه شكل الوش ..

(: (: (:

## "قصه میراتک"

عارف ~

دایما فیہ حاجہ ہتناسبک من وسط کل الحاجات الی حوالیک ..

دین ..

لون ..

شکل ..

ذوق ..

شخص ..

اب انت مش من صلبہ ..

ام مخلفتکش ..

اخ مش شقیق ...

صدیق کان عدو ..

دایما فیہ حاجہ تناسبک ..

دایما ف حد ماشی معاک ف نفس ذات الطریق الی انت ماشی فیہ ..

دایما ہتلاقی حاجہ تعجبک .. تفرحک ..

تخلیک تحش انک مش غریب .. مش وحید ..

و لو ف یوم حسیت انک مش مرتاح . مش عجبک طریقک و لا الی

حوالیک ..

وقف و عید من الاول .. ف طریق تانی .. مع حاجات تانیہ ..

تناسبک .. تعجبک ..

الموضوع محتاج نظره من شباک الحیاء علی شارع الدنیا الی

الناس کلہا ماشیہ فیہ ..

و الحاجات کلہا موجودہ فیہ ..

و انت ہتفہم انت محتاج ایہ ..

و ايه الطريق اللي يناسبك ..  
 حياتك هتعيشها مره واحده .  
 فيه ناس قاعده قدام ال التليفزيون و ماسكه الريموت و مستتنيه حاجه  
 تغير مصير حياتها ..  
 و ناس بتعمل كــــل حاجه عشان تكون احسن حتى لو انت  
 شايفهم مثاليين .. هما دايمًا عايزين احسن ..  
 إختــــار .. قصه حياتك .. ( : ( :

## "يارب"

فاكر ~~

فاكر و انت صغير لما وقعت من على السرير و دراعك اتكسر ..  
و عيظت و صرخت و كنت حاسس انك مش قادر تحركه .. و  
حسيت انها نهايه العالم .. و دعيت و قلت يارب .. و جبسولك  
ايديك و ماما جت قالتك متخافش هتخف .. و كل اللي كان بيشوفك  
يقولك سلامتكم هتخف .. و خفيت فعلا و بقيت زى القرد كمان ..

طب فاكرك لما جبت درجه وحشه ف الامتحان .. و كنت زعلان  
اوى و مخنوق من نفسك .. و قلت ان دا ظلم .. و حسيت انها نهايه  
العالم .. و دعيت و قلت يارب .. و انك تستحق اكثر من كذا .. و  
لما قعدت و ذاكرت اكثر و عملت مجهود اكثر جبت درجه احلى ..

طب فاكرك لما كنت بتسهر طول الليل تذاكر و انت بتسمه نجوم اف  
ام و بتحلم تدخل الكليه اياها اللي نفسك فيها .. و مجبتش مجموعها  
.. و زعلت و قلت ان مينفعش .. و حسيت انها نهايه العالم .. و  
دعيت و قلت يارب .. و دخلت كليه تانيه لقيت فيها نفسك ..

فاكر ساعات مسقط فى الكليه و ضيعت سنه من عمرك .. برضه  
حسيت انها نهايه العالم .. و دعيت و قلت يارب .. و ان كل حاجه  
وحشه و انك مظلوم .. و قلت مش هتكمل .. بس كملت و عديت و  
نجحت ف اللي جاى ..

فاكر يوم محسيت انك مش قادر تكمل .. و ان حبيتك هتبعد عنك ..  
و انك لوحدك ... و حسيت انها نهايه العالم .. و دعيت و قلت  
يارب .. و كل حاجه اتحلت ..

طب فاکر لما الشغل اتلعبک علیک .. و المدير اتلکک لیک .. و کانو  
هیطردوک .. و حسیت انها نهاییه العالم .. و دعیت و قلت یارب ..  
و لقیتم الدنیا بتتظبط لوحدها .. و کل حاجه بقت زی الفل ..

فاکر .. لما حسیت انها نهاییه العالم .. و دعیت و قلت یارب ..  
اکید ساعتها کل حاجه اتظبطت ..

## " الطريق الى السعاده .. ( من وجهه نظري ) "

تعددت اساليب الكلام عن الطرق المؤديه ف نهايتها الى السعاده ..  
و كأن السعاده (سوبر ماركت) فى آخر الشارع نسأل الناس عن  
اقصر الطرق لنصل إليه و نطلب منه ( نص براميلى و ربع بولى  
لو سمحت) ..

و دائما ما يصفون الطريق بالطريق الذى لا يخلى من المشقه و  
التعب .. حتى تصل الى الراحة الابديه ( سوبر ماركت السعاده) ..

و لكن تقف دائما عند الوصول الى السعاده و كأنه يقول لك ( انا  
وصلتك اهو و مليش دعوه بقى بالباقي) ..  
فعندما تنتهى من القراءه تجد سؤال ( رخم ) يتحرك ف عقلك ( طب  
و بعدين .. انزل هنا و لا ايه يعنى !؟! ) ..  
الطريق الى السعاده هو طريق لا نهايه له ..  
لأن السعاده ليست ( سوبر ماركت ) ..  
(السعاده هى طاقه لا تفنى و لا تستحدث من عدم) ..  
فعندما تقرر الذهاب ف طريق السعاده لا تتخيل ان الطريق ( مليون  
خوازيق) حتى تصل للسعاده ( السوبر ماركت طبعا ) او تتخيل ان  
الطريق (مفروشلك ورد) ..

الطريق الى السعاده هو مجرد طريق عندما تبدأ التفكير ف وضع  
اقدامك على اوله (بس ادخل برجلك اليمين و النبى ) ..  
فإعلم انك بدأت تشعر بالسعاده ..  
و فى كل خطوه تزداد سعادتك ..  
و تشعر بأنك تحتاج المزيد ..

و هذا ما يجعل الطريق الى السعاده طويلا لكن جميل ...

## " نضاره "

لو ف يوم مبقتش شايف ..  
 شايف الالوان بهتانه ... و الناس ابيض و اسود ..  
 اشترى نضاره بتلون الدنيا من حواليك ..  
 نضاره بتبين الالوان ..  
 بتوضح ملامح الناس ..  
 بتوريك الطريق الصح .. و الصديق الصح ...  
 بتفرحك و تطمنك و تحسك ان لسه اللي جاى جميل ..  
 النضاره دى موجوده مع كل واحد ..  
 بس اللي بيحب يطلعها بيطلعها و يلبسها ..  
 و اللي عاجبه حاله بيسكت ..  
 نضاره الرضا ..  
 لو رضيت محدش هيوقفك و محدش هيتعبك ..  
 و هتشوف الدنيا متلونه ..  
 ارضى .. و سيبها على الله ..



## "إضحك"

هاضحك بعلو الصُوت ..

و الدنيا سَمَعانى ..

هاضحك و يُوم ماهموت ..

هبيئلكو سنانى ..

هاضحك عشان نفسى ..

أكتب تاريخ نفسى ..

و أمسح دُموع نزلت ..

بالغلطه على خدى ..

إزاي شايبنى جبان ..

إزاي تقول خايف ..

أنا اقوى م اللى جابوك ..

بس إنت مش شاييف ..

و إزای ف یوم هزل عل ..

و أناربی ویایا ..

و الضحکه دی طالعہ ..

من حتہ جوایا .

## "جرب تضحک .."

حد جرب قبل کدا يعمل ورقه زی دی ...

و کل یوم اول میقوم من النوم یاخذ ضحکایه ..

و یحطها ف جیبه و یخلیها معاه طول الیوم ..

و کل متحصل حاجه تضایقه یفتکر ان معاه ضحکه احتیاطی ف  
جیبه ..

یطلعها و یبصلها و یاخذ نفس عمیق کدا لجوا ..

و یبتسم ..

و یحطها ف جیبه تانی ...

و لما یروح اخر الیوم یطلعها بعد میکون طلع عنیها و اتبهدلت و  
یرمیها ..

و بکره یاخذ ضحکایه غیرها .. ^\_^

جرب تعمل ورقه زی دی ...

جرب تعیش ..

جرب تضحک ..

....

## " المهم تضحك "

الضحك من غير سبب قلبه ادب ..

طب انا بقى هضحك و من غير سبب ..

و هعلى صوتى كمان و انا بضحك و هسمع الناس كلها ..

و لما حد يسألنى بتضحك ليه؟؟ هقوله مش عارف ...

صدقنى مش هيقول عليا قليل الادب ..

دا انا ممكن اصعب عليه و يضحك معايا من غير سبب برضه ..

ومش هنبقى قلالات الادب و لا حاجه ..

داحنا هنبقى عايزين نرجع نحس اننا عايشين ..

وان ف نفس خارج و داخل مع صوت على و فرحه من جوا و  
دموع نازله

على الخدود و مغرقه العيون من كتر الضحك ...

وان مفيش حاجه مستهله اصلا ..

و ان قد ايه الضحك جميل ..

و الفرحة اجمل ...

شويه و هنسكت انا عارف ..

و هنبطل ضحك ..

و هتصعب علينا نفسنا و ممكن نعيط ....

بس ممكن بعد الضحك دا يبقى لنا نفس نعيش و لو كام يوم كمان

...

لينا نفس نحلم ...

لينا نفس لكل حاجه حتى لو للنكد تانى ...

اضحك يا عم حتى لو بايظه ..

مش ضحكك دى اللى هتوظها اكرت يعنى ..

اضحك مش مهم ليه ..

المهم تضحك ..

.....

## "اختار صح"

عارف ..!!

الدنيا عباره عن مجموعه من الاختيارات .. يعنى انت هتتحاسب  
على اختياراتك مش على افعالك ..

و لو بصيت على اى قرار انت خدته هتلاقى ان دايمما الاختيار  
موجود ..

متقلش ان الدنيا قافله كل البيبان ف وشى ..

الدنيا ملهاش سلطه انهت تقفل او تفتح بيبان ..

ربنا هو الوحيد القادر على قفل او فتح الابواب ..

متفتكرش ان لما الباب الفلانى اتقفل دا كان عشان فيه حاجه حلوه  
فيه و ربنا مش عايزك تشوف حاجه حلوه ..

خالص ..

ساعة ما ربنا قفل الباب اياه دا ف وشك و انت كنت عايزه جدا و  
فضلت تقول " اشمعنا انا .. ليه كدا هو ليه ربنا مش بيحبني و الدنيا  
ظالماني " ..

كان فيه باب تانى اتفتح ليك ..

لو كنت مديت رقبتك بس جواه و شفت اللي فيه ..

كنت هتعرف ليه ربنا قفل الباب اياه ف وشك ..

دايما ربنا لما بيقل باب بيفتح باب تانى ..

ليك الاختيار ..

تستنى قدام الباب اللي اتقفل لحد ميفتح ..

ولا تشوف الباب التانى ..

الاختيار دايما ف ايدك ..

قبل متعمل اى حاجه شوف اختياراتك و فكر كويس ..

و لما تلاقى ربنا قفل كل الببان و سابلك باب واحد بس ..

اعرف ان ربنا هو اللي اختارك و ادخل و انت مغمض ..

ممکن يكون صعب ف الاول و فيه عقبات ..

بس اخره اكيد خير ليك ..

اختياراتك هي اللي بترسم طريقك ف الحياه ..

عشان اختياراتك هتنتج افعالك اللي هتحاسب عليها ..

متصدقش اللى يقولك غصب عنى ..

كذاب اوى ..

كل حاجه ف ايدينا بس احنا نختار صح ..

" ازعل ليه "

انا زعلان~ ~

ومين هيحس باللى ف قلبى مدمت انا غامل نفسى آه فرحانه~ ~

و كل اللى بيسألنى ازيك بقوله تمام~ ~

طب و انا ازعل ليه؟؟

نصيبى كدا كدا هاخده ..

و يوم مهموت دا يوم مكتوب عند اللى خلقه~ ~

ازعل ليه؟؟

انا لازم اعيش مبسوط و تبقى الضحكه على وشى حقيقيه و مش

تمثيل ..

و اعيش ف الدنيا دى موجب ..



اعمر ابني و اغني دا من قلبي و اعمل خير ~

و انام مبسوط ..

و اقوم مبسوط ..

و اعيش مبسوط ..

و اموت مبسوط ..

و انا ز علان هكون مبسوط ~

غشان حتى و انا ف ز على

احس انا الحياه حوليا تضحكي

فاكون مبسوط ..

" انك .. "

انت اللى جاى من حياتك ... انت مستقبلك و احلامك ...  
حاول تكون احسن من اللى فات ...

انت كل حاجه حلوه جايه ... و كل مصيبه جايه ...  
اختار عايز تكون مين ??? ..

انت حلمك اللى نفسك فيه ...  
حققوا ...

لو حد ضايقتك او حاول يهدك .. ابتسم ف وشه و قوله " مش هتقدر  
..."

لو حد فكرك بمصيبه من ماضيك قوله " مفيش ملايكة كلنا بشر "  
...

لو حد سألك انت عامل ايه قوله بكل قوتك " انا زى الفل و محدش  
يقدر يخلينى غير كدا مهما حصل " ...

اقلع نضاره اليأس و الحزن و ارميها ... و البس نضاره الامل و  
التفاؤل ...

و بص ف المرايه و شوف نفسك زى مانت عايز .. سوبرمان ..

المهم تشوف نفسك زى ماهيا تستحق انك تشوفها ...

" جربتہ قبل کدا .. "

حد جرب قبل کدا یدخل جوا قلبه و ینضفه ...  
یغیر دیکور قلبه من جوا و یظبطه کدا ..

یشیل الحاجات الوحشه منه و یرمیها بره ...  
یلمع الحاجات الحلوه و یخليها تنور و تبان ...

يزرع الفرحة فى الجنينه اللى ف قلبه ...  
و يسقيها بكام ضحكه كدا حلوين ...

يرسم صور جديده للناس اللى يعرفهم ..  
و يمسح الصور القديمه الوحشه ليهم مهما عملو ..

يزرع امل و حب و تفاؤل ... و يشيل شجره الكره و التشاؤم ..  
يضحك من جوا قلبه .. هتطلع ضحكه على وشه ملهاش مثيل ...

قوم غير ديكور قلبك ...

قوم و قرر تعيش ...

" خليك اوبتمستك "

اضحك ...

او عد نفسك من جواك انك هتكون مبسوط ..

احلف ل روحك ان مفيش حاجه تستاهل تكشيرتك...

بص ل نص الكوبايه المليان ..

و لما تتأكد انه فيه امل لو عطشان اشربها ....

خليك " اوبتمستك " لابعده الجدود ...

شوف الحاجه الحلوه ف كل اللي حواليك ..

حتى لو كانت مصيبه و ملهاش حل .. اكيد فيها حاجه حلوه ..

نفذ حياتك من الهموم و من المشاكل ..

صالح نفسك .. صالح حياتك ..

شوف السحاب ف السما بيضحكك ..

افتكر كنت بترسم الشمس ازاي و انت صغير ..

ليها عنتين و بتضحكك ..

و شوفها ف السما ..

كل حاجه حواليك جميله .. و انت اجملهم ..

اضحك و خليك اوبتمستك ..

...

## "بوقلوظ أفندی"

جربت قبل كذا ترسم وش بيضحك كذا على ورقه ..

و تلزقها على السقف فوق سريرك...؟؟؟

و تسميه بوقلوظ أفندی مثلا ..

و أول متصحى من نومك الصبح كذا و تفتح عنتينك دول ..

تلاقى بوقلوظ أفندى بيضحكك ملزوق على السقف ..

أكيد هتضحك ..

و مش بعيد كمان تنبسط ..

و ينكن .. (ايوا هيا ينكن) ..

و ينكن كمان تقوله صباح الخير يا بوقلوظ أفندى إنت ..

و إحتمال كبير يعجبك الموضوع و عمله كل يوم ..

و بوقلوظ أفندى يبقى صاحبك و تشوفه كل يوم .. ^^

جرب ... إفرح .. إنبسط .. إضحك

إرجع تانى للحياه ...

جرب تعيش ..

" متفائل ... "

ف عز المشاكل تلاقيه بيضحك من قلبه .. عشان عارف ان ربنا



## موجود

ف عز التعب تلاقيه بيقول نكته .. عشان عايز يهون الالم

ف وسط الزحمه تلاقيه بيسمع فيروز .. عشان عارف ان صوتها  
بيريحه

ف وسط المشاكل تلاقيه بيتريق على المشكله .. عشان عارف ان  
الضحكه هتحل مش هتعقد

عارف ان مهما حصل ف خير .. فدايما بيحمد ربنا ♥

بيستنى المصايب عشان يضحك عليها .. عشان يقولها من جواه "  
انا مصيبه اكثر منك و لو انتى عايزه تنكدى عليا ف انا هضحكك "

..

و لما بيحى ينام بيفتكر الضحكه الحلوه و الكلمه الطيبه فبينام مرتاح  
و مبسوط ...

متفائل .. مش عشان حاجه بس عشان بيحب يفرح ...♥

...



## " الممه تضحك "

ساعات بيبقى نفسك تعيط .. مخنوق .. مضايق .. قرفان .. الدنيا وحشه و مقفله معاك .. ناس كتير سابتك .. طلعو ميستهلوش .. ضحكز عليك .. طلعو كدايين .. خانوك .. قالو عنك كلام وحش .. طلعو ميستهلش اللي كنت بتعملو عشانهم .. هان عليهم العيش و الملح ... صدقو عليك كلام محصلش ... جرحوك .. بص على نفسك كدا ف المرايه .. لقيت نفسك نقصت حاجه .. ايد .. رجل .. مخ .. لسه ف نفس خارج و داخل ... طب جرب تقول الحمد لله و اضحك من جواك .. ارضى و اعرف ان اللي حصلك مهما كان خير عشان ربنا هو اللي اختارو ليك .. متعرفش ربنا خلصك من ايه و هيوديك لفين .. اضحك افرح ابتسم .. و قول الحمد لله و اعرف انها مادام ضلمت اووى بيبقى هتنور .. اصل لو مفيش ضلمه مكناش هنحس بالنور لما تنور و نقول الحمد لله انها نورت

....

انت الوحيد اللي تقدر تتحكم ف حياتك .. تخليه حلوه و جميله و مليانه سعادته رغم كل المشاكل و القرف ... انت اللي بترسم بكره ازاي هتخاف من حاجه انت اللي بترسمها انت اللي هتعملها و هتختارها .. انت اللي هتقرر تعيشها ازاي ... و اذا كان مبارح مضايقتك اووى فلم تفتكرو قول ايه العبط دا .. انا ازاي كنت بعمل كدا ... دا انا كنت عبيط اووى و اضحك على نفسك اووى و لو جمبك حد ضحكو معاك كمان ... افرح حتى لو هتضحك على نفسك و تقول انك فرحان .. شويه شويه هتصدق انك فرحان بجد و الضحكه مش هترضى تسبيك ..

و لو نت بجد الدنيا بايظه معاك .. فاكيد ف ناس الدنيا خربانه معاها  
 بس انت متعرفش عشان هما دايمما بيضحكو و مش بيستسلو و  
 يكشرو زيڪ كدا

الكلام دا لو مش عجبك او شايف انه مش حقيقي اعتبرني بهزر  
 معاك و اضحك عليا عشان مصدقه ... المهم تضحك

.....

## " الكيكه "

الحياه عامله زى الكيكه .. حلوه بس لازم يكون فيها بيض ....  
 بس هي حلوه ..  
 الناس بقت وحشه مع بعضها اووى .. بس هي حلوه ..  
 الدنيا صعبه جدا .. بس هي حلوه ..  
 الزمالك مبيخدش الدورى .. بس هي حلوه ...  
 المواصلات زحمه اووى ... بس هي حلوه ...  
 التعليم زفت ... بس هي حلوه ...  
 هي حلوه رغم القرف و رغم المشاكل .. و رغم التعب و الهموم ..  
 دايمنا بنلاقى صاحب جدع ف وسط الناس واقف معاك ..  
 لما تقوله عايز فلوس بيطلع نص اللي ف جيبه و يدهولك ..  
 و يوم متكون مهموم تلاقيه بيزن عليك لحد متقوله مالك ..  
 و دايمنا ف وسط الزحمه بنلاقى قلب بيحبنا بجد و نفسه نكون  
 فرحانين ...  
 و لما بنروح بنلاقى عيله فيها مشاكل الدنيا بس بتحب بعض و قلبها  
 على بعض ...  
 عبيط اللي يقول ان الحياه وحشه و ان ملهاش طعم ... الحياه حلوه  
 بس فيها شويه بيض .. مش عشان تبقى وحشه دا عشان يحلى  
 طعمها مش اكثر ...

.....

## نصيحه هاي الآخر .....

الحياه مينفعش تبقى كلها حلوه ..  
 تخيل حياتك كدا اللي فاتت كلها جميله و مفيهاش مشاكل .. بتضحك  
 بكل سهوله و مفيش مسكله بتقابلك من اول متصحى لحد متنام ...  
 اول يوم هتخش بكدا هيبقى يوم جميل ...  
 تانى يوم زى الفل .. تالت يوم تمام ...  
 اول سنه عدت من غير ولا مشكله ولا حتى صغيره .. بدمتك مش  
 هتزهق ???  
 لازم تحصل مشكله عشان لما تتحل تحس بطعم الضحكه و انت  
 بتقول الحمد لله كدا ...  
 لو الدنيا كلها فرحه مش هيبقى للفرحه طعم ..  
 لازم يحصل مشكله عشان نتحداها عشان نضحك تانى ..  
 هي دي الدنيا ... حلوه بس بمزاجنا احنا اللي نخليها حلوه او  
 منخليهاش ...  
 .....